

Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Secvnda, Qva Continentvr Socratis Scolastici
Constantinopolitani lib. 7. Theodoriti Cyrensis episcopi lib. 5

Christopherson, John

[Köln], 1569

De Mari Chalcidonensi episcopo. Cap. X.

urn:nbn:de:hbz:466:1-12704

contra omnes omnino Christianos animo concepisset, pa-
lam omnibus declarare cœpit. Nam Nouatianorum ecclæ-
siam, quæ erat Cyzici, ab Eleusio episcopo solo æquatam,
de integro exstrui mandat, grauissimamque multam Eleu-
sio illius vrbis episcopo se irrogaturum minatur, si non
intra duorum mensium spatium suis ipsius impensis eam
exædificandam curaret. Porrò autem Gentilium ritus re-
nouare, templa eorum, vti dixi, aperire, viætmas fortunæ
populari, Constantinopoli in ipsa regia, vbi illius deæ sta-
tua erat locata, immolare cœpit.

De Mari Chalcidonensi episcopo.

C.A.P. X.

SVb idem tempus Maris Chalcedonis, vrbis Bithiniæ
episcopus, manu ad imperatorem Iulianum deductus
(nam cum iam erat valde exacta ætate, oculorum suffu-
sione afflatabatur) illum grauiter reprehendere, impium,
desertorem ecclesiæ, Dei hostem appellare cœpit. Ille verba
contumeliosa contra elocutus, episcopo par pari referre,
cæcum vocare, has voces fundere: Deus tuus Galilæus nō
est te curaturus. Iulianus enim Christum Galilæum, &
omnes Christianos eodem nomine nuncupauit. Maris igitur
paulo liberius Imperatoris maledictis occurrere: Gra-
tias, inquiens, ago Deo, qui me orbavit luminibus, ne
tuū vultum, qui tam ad omnem impietatem proiectus es,
aliando aspicerem. Ad quæ quidem verba, nihil omni-
no respödit Imperator, sed episcopo acerbè persecutus est.
Cùm videret præterea Christianos magno honore illos
prosequi, qui regnante Diocletiano, martyrio occubuer-
sent, cumque pro certo cognosceret, complureis prom-
pto, & alacri animo ad martyrium velle contendere, ille
perinde quasi Christianos esset ab hoc beneficio repul-
sus, alia via ad eos afflictandos aggreditur. Et quam-
quam insatiabilem crudelitatem Diocletiani temporibus
vsurpatam missam faciebat, non tamen à persequendo pe-
nitus se continuit. Est enim, mea quidem sententia, per-
secutionis genus, homines, qui quietè & tranquillè se ge-
runt, vlla ratione conturbare. Iulianus verò Christianis
hoc pacto non parum facescebat molestiæ: lege sanciuit,

M 3

ne Chri-

SOCRAT. HISTOR.

ne Christiani literis humanioribus instituerentur. Nam cum sint (inquit) lingua ad dicendum exercitata, facile dilectorum, qui sunt apud gentiles, argutijs occurrere poterunt.

De motu, quem contra Christianos Julianus imperator ciebat, & quod à Christianis pecunia exigebat.

CAP. XI.

Post ab Imperatore Juliano mandatum est, ut qui nolent Christianam religionem deserere, in palatio satellitum munere minime fungerentur: Itemque; ut omnes simulachris sacrificare properarent: Christiani in prouincijs nullos magistratus gererent. Nam lex illorum, inquit, vetat gladio vtendum contra eos, qui scelera digna morte admiserint, & propterea non sunt ad regendum idonei. Non nullos autem astigatione & muneribus ad immolandū allexit. Exemplò igitur tum qui verè erant Christiani, tum qui speciem Christianorum præ se ferebant, tanquam in Theatro locati, se palam omnibus patefecerunt. Nam qui recta voluntate Christianam fidem profitebantur, propenso animo balteum pro fidei defensione deponere, omniaque cruciamentorum genera subire maluerunt, quam Christum Seruatorem denegare. In quorum numero fuit Ioannes, Valentianus, & Valens, qui postea sunt imperij gubernaculis potiti. Alij, qui animo parum sincero Christianam amplexabantur religionem, quique diuitias & honorem apud homines, veræ beatitudini anteferebant, abiecta cunctatione, ad immolandum se dederunt. Ex quibus unus erat Ecebolius Sophista Constantinopolitanus: qui quidem se ad Imperatorum ingenia ac naturam conformans, dum Constantius regnabat, se ardenter fidem Christianam amplecti simulauit: dum Julianus potiebatur imperio, Gentilitatem magnopere colere præ se tulit: Julianusque; mortuo, religionem Christianam denuo profiteri in animum induxit. Nam ante portam ecclesie se primum abiiciens, sic vociferatus est: me, quasi salem insipidum pedibus conculcate. Ecebolius, sicut antea leuis & incostans fuit, sic quoque; postea permisit. Per id temporis Imperator, habens in animo Persas pro iniurijs, quas in agro Romano depopulando fecisset, vlcisci, per fines Asiae ad partes